

Հավելված
ՀՀ կառավարության 2026 թվականի
հունվարի 15-ի N 49-Ն որոշման

ՄԻՋԱԶԳԱՅԻՆ ԱՌՈՂՋԱՊԱՀԱԿԱՆ (ԲԺՇԿԱՍԱՆԻՏԱՐԱԿԱՆ)
ԿԱՆՈՆՆԵՐԻ ՀԱՐՑԵՐՈՎ ԱԶԳԱՅԻՆ ՀԱՄԱԿԱՐԳՈՂ ՄԱՐՄՆՈՒՄ
ՄԻՋԱԶԳԱՅԻՆ ԿԱԶՄԱԿԵՐՊՈՒԹՅՈՒՆՆԵՐԻՆ, ՄԻՋԿԱՌԱՎԱՐԱԿԱՆ
ՄԱՐՄԻՆՆԵՐԻՆ, ԱՌԱՆՁԻՆ ԵՐԿՐՆԵՐԻՆ, ԻՆՉՊԵՍ ՆԱԵՎ ՄԻՋՈՒՈՐՏԱՅԻՆ
ՀԱՄԱԳՈՐԾԱԿՑՈՒԹՅԱՆ ՇՐՋԱՆԱԿՆԵՐՈՒՄ ՀԱՂՈՐԴՎՈՂ՝ ՀԱՆՐԱՅԻՆ
ԱՌՈՂՋԱՊԱՀՈՒԹՅԱՆ ՈԼՈՐՏՈՒՄ ՄԻՋԱԶԳԱՅԻՆ ՆՇԱՆԱԿՈՒԹՅԱՆ
ԱՐՏԱԿԱՐԳ ԻՐԱՎԻՃԱԿ ԱՌԱՋԱՅՆԵԼՈՒ ՆԵՐՈՒԺ ՈՒՆԵՑՈՂ ԴԵՊՔԵՐԻ
ՌԵԳԻՍՏՐԸ ԵՎ ԴՐԱՆՔ ՀԱՂՈՐԴԵԼՈՒ ԿԱՐԳԸ

1. ԸՆԴՀԱՆՈՒՐ ԴՐՈՒՅԹՆԵՐ

1. Սույն հավելվածով սահմանվում են Միջազգային առողջապահական (բժշկա-սանիտարական) կանոնների հարցերով ազգային համակարգող մարմնում (այսուհետ՝ ազգային համակարգող մարմին) միջազգային կազմակերպություններին, միջկառավարական մարմիններին, առանձին երկրներին, ինչպես նաև միջոլորտային համագործակցության շրջանակներում հաղորդվող՝ հանրային առողջապահության ոլորտում միջազգային նշանակության արտակարգ իրավիճակ առաջացնելու ներուժ ունեցող դեպքերի (այսուհետ՝ դեպքեր) ռեգիստրը (այսուհետ՝ ռեգիստր) և դրանք հաղորդելու կարգը:

2. Դեպքերը Առողջապահության համաշխարհային կազմակերպությանը հաղորդվում են Հայաստանի Հանրապետության կառավարության 2010 թվականի օգոստոսի 26-ի N 1138-Ն որոշմամբ և Հայաստանի Հանրապետության առողջապահության նախարարի 2025 թվականի մայիսի 27-ի N 3219-Ա հրամանով սահմանված կարգով:

3. Միջազգային կազմակերպություններին, միջկառավարական մարմիններին, առանձին երկրներին դեպքերը հաղորդվում են միջազգային պայմանագրերով սահմանված դեպքերում և կարգով:

4. Միջոցորոտային համագործակցության շրջանակներում դեպքերը հաղորդվում են Հայաստանի Հանրապետության կառավարության 2010 թվականի օգոստոսի 26-ի N 1138-Ն որոշմամբ սահմանված կարգով:

5. Ռեգիստրը ձևավորվում է սույն հավելվածի 2-4-րդ կետերով սահմանված կարգով հաղորդված տեղեկատվության հիման վրա:

6. Ազգային համակարգող մարմինը՝

1) կազմակերպում է տեղեկատվության ընդունումը.

2) ապահովում է ռեգիստրի վարման շրջանակներում միջազգային կազմակերպություններին, այդ թվում՝ Առողջապահության համաշխարհային կազմակերպությանը, միջկառավարական մարմիններին, առանձին երկրներին, ինչպես նաև միջոցորոտային համագործակցության շրջանակներում տեղեկատվության հաղորդումը:

2. ՌԵԳԻՍՏՐԻ ՎԱՐՈՒՄԸ

7. Ռեգիստրը վարում է Հայաստանի Հանրապետության առողջապահության բնագավառի պետական կառավարման համակարգի լիազոր մարմինը՝ որպես ազգային համակարգող մարմին, այդ թվում՝ բնակչության սանիտարահամաճարակային անվտանգության ապահովման կամ հանրային առողջապահության բնագավառում գործունեություն իրականացնող իր ենթակայության պետական կազմակերպությունների միջոցով:

8. Ռեգիստրը բաղկացած է 2 բաժնից՝

1) միջազգային կազմակերպություններին, այդ թվում՝ Առողջապահության համաշխարհային կազմակերպությանը, միջկառավարական մարմիններին և առանձին երկրներին հաղորդվող դեպքերի վերաբերյալ ռեգիստր, որը վարվում է սույն հավելվածի Ձև 1-ին համապատասխան.

2) միջոցորոտային համագործակցության շրջանակներում հաղորդվող դեպքերի վերաբերյալ ռեգիստր, որը վարվում է սույն հավելվածի Ձև 2-ին համապատասխան:

9. Տեղեկատվությունը ռեգիստրում գրանցվում է այն ստանալուց հետո՝ 24 ժամվա ընթացքում:

10. Ռեգիստրում լրացվում են արձանագրված դեպքի վերաբերյալ բոլոր մանրամասները:

11. Ռեգիստրում առկա տեղեկատվությունը կարող է փոփոխվել միայն, եթե առկա են փոփոխման համար հաղորդող շահագրգիռ մարմնի կողմից ներկայացված հիմնավոր փաստաթղթեր (հետազոտությունների արդյունքներ): Փոփոխության վերաբերյալ ռեգիստրում կատարվում են համապատասխան նշումներ:

ՌԵԳԻՍՏՐ

ՄԻՋՈՂՈՐՏԱՅԻՆ ՀԱՄԱԳՈՐԾԱԿՑՈՒԹՅԱՆ ՇՐՋԱՆԱԿՆԵՐՈՒՄ ՀԱՂՈՐԴՎՈՂ՝ ՀԱՆՐԱՅԻՆ ԱՌՈՂՋԱՊԱՀՈՒԹՅԱՆ ՈԼՈՐՏՈՒՄ ՄԻՋԱԶԳԱՅԻՆ ՆՇԱՆԱԿՈՒԹՅԱՆ ԱՐՏԱԿԱՐԳ ԻՐԱՎԻՃԱԿ ԱՌԱՋԱՑՆԵԼՈՒ ՆԵՐՈՒԺ ՈՒՆԵՑՈՂ ԴԵՊԵՐԻ

Թիվ	Տարեթիվ, ամիս, օր	Տեղեկատվության բովանդակություն	Ո՞վ է հաղորդել	Ու՞մ է հաղորդվել	Նշումներ
1	2	3	4	5	6

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏԻ ԱՇԽԱՏԱԿԱԶՄԻ
ՂԵԿԱՎԱՐ

Ա. ՀԱՐՈՒԹՅՈՒՆՅԱՆ